



Na osnovu člana 34. a u vezi sa članom 47. stav (2) i članom 67. Zakona o državnoj službi u Bosansko-podrinjskom kantonu Goražde („Službene novine Bosansko-podrinjskog kantona Goražde” br. 3/18 i 6/20), na zahtjev Općine Foča Ustikolina, Agencija za državnu službu Federacije Bosne i Hercegovine, objavljuje

**JAVNI KONKURS**  
**za popunu radnog mjesta državnog službenika, na određeno vrijeme,**  
**u Općini Foča Ustikolina**

**Radno mjesto:**

**SLUŽBA ZA PROSTORNO UREĐENJE, KOMUNALNE, GEODETSKE, KATASTARSKE I STAMBENE POSLOVE, IMOVINSKO PRAVNA PITANJA I BORAČKO-INVALIDSKU ZAŠTITU**

**- Stručni saradnik za geodetske-katastarske poslove, na određeno vrijeme, do povratka državne službenice sa porodijskog odsustva - 1 (jedan) izvršilac.**

**Opis poslova:**

Prati i izvršava zakone i druge propise iz nadležnosti radnog mjesta; prikuplja prijave i podatke o promjenama na komunalnim uređajima nastalim usljed izgradnje, rekonstrukcije ili napuštanja komunalnih uređaja u svrhu održavanja katastra komunalnih uređaja; rješava prijave o promjenama na komunalnim uređajima, izrađuje elaborat katastra komunalnih uređaja i po potrebi na terenu vrši geodetsko snimanje komunalnih uređaja; vrši poslove izrade i održavanja katastra komunalnih uređaja i geodetske osnove u skladu sa propisima i predlaže mjere za unapređenje stanja iz ove oblasti; vrši provođenje promjena na geodetskim planovima i drugim evidencijama katastra komunalnih uređaja, te sve druge kancelarijske radove vezane za izgradnju i održavanje katastra komunalnih uređaja; vrši obnavljanje nadzemnih biljega mreže poligonskih tačaka; po potrebi izvodi i druge geodetske radove na razvijanju nove poligonske mreže izradi elaborata snimanja komunalnih uređaja, na premjeravanju zemljišta za posebne potrebe iz oblasti primjenjene geodezije i sl.; izrađuje dokumentaciju i izvode na osnovu katastra komunalnih uređaja (prepisi i izvodi sa geodetskih planova, elaborata i sl.) i geodetske osnove; vrši rekognosciranje terena, stabilizaciju tačaka, obavlja potrebna mjerenja i računanje mreže novih poligonskih tačaka, izrađuje skice poligonske mreže i položajnog opisa poligonskih tačaka; vrši obnavljanje uništenih poligonskih tačaka i stara se o drugim geodetskim tačkama viših redova u skladu sa propisima; po ovlaštenju rukovodioca Službe vrši nadzor na geodetskim radovima koje izvode treća lica na premjeravanju komunalnih uređaja i razvijanju poligonske mreže; izrađuje godišnje, periodične i mjesečne izvještaje za nadležne institucije; obračunava troškove uređenja gradskog građevinskog zemljišta i rente; utvrđuje visinu troškova tehničkog pregleda građevine i vrši obračun naknade koja pripada članovima komisije; vodi statističke podatke o stepenu i obimu gradnje na području općine; učestvuje u izradi strategiji razvoja Općine, implementacionih i drugih dokumenata, izvještaja o radu i razvoju kao i drugim procesima neophodnim za blagovremeno funkcionisanje poslova razvojnog planiranja i upravljanja razvojem; za svoj rad odgovara neposredno nadređenom pomoćniku načelnika; obavlja i druge poslove po nalogu Općinskog načelnika i neposredno nadređenog pomoćnika načelnika.

**Pripadajuća osnovna neto plaća: 1.110,00 KM**

**Kandidati moraju ispunjavati opće uvjete iz člana 35. Zakona o državnoj službi u Bosansko-podrinjskom kantonu Goražde:**

- da je državljanin Bosne i Hercegovine;
- da je stariji od 18 godina;
- da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Bosansko-podrinjskom kantonu Goražde;
- da je zdravstveno sposobno za vršenje određenih poslova predviđenih za to radno mjesto;
- da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
- da nije obuhvaćeno odredbom člana IX.1. Ustava Bosne i Hercegovine.

**Pored općih uvjeta navedenih u javnom konkursu kandidati moraju ispunjavati i sljedeće posebne uvjete i to:**

- VSS-VII stepen stručne spreme odnosno visoko obrazovanje prvog ciklusa, (koje se vrednuje sa 180 ECTS bodova) ili drugog ili trećeg ciklusa Bolonjskog sistema studiranja – geodetski fakultet
- najmanje jedna godina radnog staža u struci nakon sticanja VSS
- poznavanje rada na računaru

**Prijavljivanje-potrebni dokumenti:**

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Agencije ul. Branilaca Sarajeva 15 ili na web stranici Agencije <https://ekonkurs.adsfbih.gov.ba>).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme u skladu sa uslovima iz konkursa (original ili ovjerene kopije) na propisanom obrascu uvjerenja (može se preuzeti u prostorijama Agencije ul. Branilaca Sarajeva 15 ili na web stranici Agencije, <https://ekonkurs.adsfbih.gov.ba>)
3. Kandidati za stručnog saradnika, koji obavljaju poslove namještenika u organu državne službe i koji su stekli navedenu visoku stručnu spremlu dužni su uz prijavu na javni konkurs dostaviti sljedeću dokumentaciju (original ili ovjerene kopije):
  - a) fakultetsku diplomu (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992. godine),
  - b) dokaz da su zaposleni u organu državne službe kao namještenici i dokaz o pet godina radnog iskustva u organima državne službe nakon položenog stručnog ispita za namještenike, izdati nakon objave javnog konkursa,
  - c) dokaz o položenom stručnom ispitu za namještenike u organima državne službe.

## **NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, <https://ekonkurs.adsfbih.gov.ba>. Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Agencija objavljuje rezultate stručnog ispita na oglasnoj ploči Agencije i usmeno obavještava kandidate o rezultatima koje su postigli, istog dana, nakon završenog stručnog ispita.

Kandidati koji su uspješno položili stručni ispit, dužni su u roku od pet dana nakon usmenog saopštavanja o rezultatima ispita, dostaviti dokaze o ispunjavanju posebnih uvjeta, navedenih u tekstu javnog konkursa.

Ovjerena fcc. diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica.

Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uvjeta javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.

Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave, u "Službenim novinama Federacije BiH" neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biće isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH**  
**Služba za postavljenja u organima državne službe u Kantonu Sarajevo**  
**ul. Alipašina 6,**  
**71000 SARAJEVO**  
**sa naznakom:**  
**„Javni konkurs za popunu radnog mjesta državnog službenika, na**  
**određeno vrijeme, u Općini Foča Ustikolina**  
**broj: 07-30-8-440/24"**

**DIREKTOR**

**Refik Begić, magistar uprave**